

耀芒赤奕 龜蹊宜陳 聚掌滅魁
 寂虛歷聽 號及都利 軒冲格真
 漸旻蘇康 嶽靈衝滿 正并狹宥
 棘羅達辰

西方八天

灝景太華 高韓附瑾 變清沈滅
 萌泉順忻 曜篋剛式 璞持妙成
 梵度元品 恢漠連瀆 常融殊立
 敵乾峻屏 混化開允 偃池顛因
 樞關嚳都 避艾魚園 質傍樊儲

遍蕩拔奔

北方八天

玄漢巨漢 騰輪映陽 龍堅華育
 惠班至莊 答落正位 照艾虛危
 錫河律多 稟察興和 瓚籟幽仰
 祀靈鈇達 晦洞室育 俛墮焚教
 竺洛紀籍 燕坤呈魔 內殺醜祇
 玉延終壁

道言此諸天中大梵隱語無量之音舊文刻
 書南宮鳳臺之上召南極斗機真人開北玉

曆延生永世拔度七祖帝澤千重身飛金房
 書籍朱童字皆廣長一大長生大君昔寶其
 天以為正音有知其音能齋而誦之者諸天
 皆遣定真神王下觀其身書功勤其主奏諸
 天萬神朝禮地執侍門大功真王保舉南昌

道備尅得遊行三界昇入神霄

此音無所不辟無所不攘無所不度無所不
 成天真自然之音也故誦之致神王下觀上
 帝遙唱萬神朝禮三界侍軒羣杖束首見精
 自亡琳瓊振響十方肅清河海靜默山嶽吞
 煙萬靈振伏招集羣僊天無氣穢地無秋塵
 冥慧洞清大量玄玄也

元始無量度人上品妙經卷之三十九

靈寶無量度人上品妙經卷之四十

北都除殃品

道言昔於紫元天中流雲飄歌太玄光土受
 元始度人北都除殃無量上品元始天尊當
 說是經周迴十過以召十方始當詣座天真

大神上聖高尊妙行真人北都大帝羅鄴羣
 真北方斗牛女虛危室壁七宿星君北斗司
 命北都司察官曹掾吏北都飛騎立斗大神
 北都黑甲五氣魁吏冥冷大神北都九醜捉
 殺五天元帥除殃神王無鞅數眾乘空而來
 蒼霞紫瑛之與鑿壁山雲之葦碧蓋垂蔭玄
 精玉光海色鬱凝洞煥太空七日七夜諸天
 層輪止虛辰緯停度龍山息鼓玉璣不行神
 風靜籟散雲散影天德高清坤維靜粹一國
 地土山川林木緬平一等無復高下土皆作
 碧玉無有異色衆真侍座元始天尊玄坐空
 浮六明純耀九宮混氣瓊山寶牀之上說經
 一遍諸天大聖同時稱善是時一國男女以
 念道力故豁然心開明悟下世生民先因積
 業罪報不停結繫羅鄴若非聞經殃不可除

說經二遍觀見元始身有慧光照徹十方猶如朝日北都三官上下六洞九幽無間冤仇和釋五苦停酸說經三遍法音清妙普聞十方證悟天人具無漏相說經四遍凡類眾生忘怨毒心陰相謀害變為法侶說經五遍殃注之苦三災之難沉瘵屍痲一時解脫歡喜更生說經六遍種民真學息鎮太无正念通虛神朝上境說經七遍國永太平尊道貴生無私無欲民不天傷說經八遍諸天稱慶北都除殃和順運誠獲見真理說經九遍天流彩雲地錄神芝說經十遍大帝遙臨來證說法天人讚歎聲徹九清是時一國是男是女莫不傾心皆受護度咸得長生道官是時元始天尊說經一遍東方無極無量品北都除殃大神無殃之眾浮空而至說經二遍南方無極無量品北都除殃大神無殃之眾浮空而至說經三遍西方無極無量品北都除殃大神無殃之眾浮空而至說經四遍北方無極無量品北都除殃大神無殃之眾浮空而至說經五遍東北無極無量品

北都除殃大神無殃之眾浮空而至說經六遍東南無極無量品北都除殃大神無殃之眾浮空而至說經七遍西南無極無量品北都除殃大神無殃之眾浮空而至說經八遍西北無極無量品北都除殃大神無殃之眾浮空而至說經九遍上方無極無量品北都除殃大神無殃之眾浮空而至說經十遍下方無極無量品北都除殃大神無殃之眾浮空而至十遍周竟十方無極除殃大神一時同至一國男女傾心歸仰同悟無為方知一心造此多業愚民無知動干罪殃失忠孝之行懷陰賊之謀貪冒狠愎淫殺敗真妬賢賢良犯禁玄科魂歸北都身謝三官受苦億劫無有休停乃至得生災病纏留萬無一善不知罪積致此受殃若不誦詠真文祈告北都藥謝七宿則殃不可除願聽元始明顯北都除殃之法來者有知細雨霖霖無殃之眾走國一半土皆偏陷非可禁止於是元始宣示十方天人曰北都羅酆中有大帝六洞山城十二小洞三官九府百二十曹一十六獄二

十四獄三十六獄八十一獄百二十獄如是大獄北都寒池遠在下方東北癸地大漆之內有酆都羅山名曰北都天尊陰真鬼帝所理故號酆都酆都城名羅山名都為寒處去此天境下觀非道山高三十六萬里山根入水三十六萬里宮闕樓觀貴擬諸天其間考對罪魂長夜不息悲苦之聲充震天地此大山之上干於斗牛七宿每宿之氣下貫都城此為北斗陰神制轄北都中有大帝玄滋天君黑帝尊神身長千尺服玄龍之衣圓冠方履乘駕九龍無極之與丞相官屬萬億鬼神惟此鬼神實與人等並皆胎生其身自然通靈變化譬如龍蛇毒獸並是胎卵所生變化大小神化不測北都鬼神悉亦知之無量之眾還來人間與人婚宦商販生業一與人同皆是大帝密遣伺察生人眾生不能制戒心性肆造惡業不忠不孝不義不仁一一疏記奏上北都北都神王以日計時簡奏大帝帝教惟允則使世人命為不遂運會凶殃一切橫天皆自所招萬死萬生不可解脫我以

哀憫普為救護敕使北都除殃滅禍且北都
 有諸大神一切衆生投詞叩請嚴懲業壇敷
 露真文誓天自悔則殃禍立除身壽安永諸
 大神者北都神王北都鬼相北都陰斗左司
 命主生諱閻陰斗右司命主死諱閻北都左
 司命主生死罪錄諱灌生北都右司命主一
 切殃罰諱啓成北都左司察主考定功過諱
 閻北都右司非主治獄典錄諱關已上諸大
 神乃主行殃禍特能除之奏章懇禱大殃積
 負頓可除釋汝其受之大眾伏地再拜稽首
 謹當奉行

元始說經都竟東真監度以授於我當此之
 時喜慶難言法事粗悉諸天復位條欵之間
 寂無遺響是時天人過值經法普得濟度全
 其本年無有禍殃傾土歸仰咸行善心不殺
 不害不嫉不妬不淫不盜不貪不飲不憎不
 妬言無華綺口無惡聲齊同慈愛異骨成親
 國安民豐欣樂太平經始出教一國以道預
 有至心宗奉禮敬皆得度世

道言元始天尊說經中所言並是北都大帝

內名隱韻之音亦是北王內諱百神之隱名
 也非世之常辭上聖已成真人通玄究微能
 悉其章誦之十過諸天遙唱萬帝設禮陰爽
 代釋殃苦消除福感自然祥應昭顯羣魔束
 形鬼精滅爽迴展起死白骨成人至學之士
 誦之十過則北真疎閻陰官稽首魔精夜眠
 鬼殃截源濟度垂死絕而得生所以爾者學
 士穢氣未消體未洞真以制十方威未制天
 政德可伏仰地祇束縛魔靈但除殃而已不
 能更生輕誦此章身則被殃供養尊禮門戶
 興隆世世昌熾與善因緣萬災不干神明護
 門斯經尊妙獨步玉京度人無量為萬道之
 宗範範大範德難可勝

道言凡誦是經十過北君齊到億曾萬祖幽
 魂苦爽殃注斷絕皆即受度上昇末宮格皆
 九年受化更生得為貴人而好學至經功滿
 德就皆得神仙飛昇金闕遊宴玉京也上學
 之士修習是經殃注解脫皆即受度飛昇南
 宮世人受誦斷絕凶穢死尸閉塞北都除殃
 東華記名別廷壽長年後皆得作尸解之道

魂神暫滅不經地獄即得透形遊行太空此
 經微妙普度無窮一切天人莫不受慶無量
 之福生死蒙惠上天所寶不傳下世至士齋
 金寶救心盟天而傳輕泄漏慢殃及九祖長
 考北山侍經五帝玉童玉女各二十四人營
 衛神文保護受經者身

道言正月長齋誦詠是經北都除殃傳注連
 寧為上世亡魂斷地速役度上南宮七月長
 齋誦詠是經北都除殃七祖超昇身得神仙
 諸天書名黃錄白簡削死上生十月長齋誦
 詠是經北都除殃壽益增昌為國王帝主君
 臣父子安鎮國祚保天長存世世不絕常為
 人君安鎮其方民稱太平八節之日誦詠是
 經北都除殃萬靈蒙恩得為九宮真人本命
 之日誦詠是經北都除殃落兆死名魂神澄
 正萬惡長存不經苦惱身有光明三界侍衛
 北都司迎萬神朝禮名書上天功滿德就飛
 昇上清

道言行道之日皆當香湯沐浴齋戒入室
 東向叩齒三十二通上聞三十二天心拜

11012822

三十二過閉目靜思身坐青黃玄三色雲
氣之中內外翳冥有青龍白虎朱雀玄武
獅子白鶴羅列左右北都大神森然對几
降臨兆前日月照明洞煥室內項生圓象
光映十方如此分明密呪曰

無上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十二人關啓所言今日吉慶
長齋清堂修行至經無量度人願所啓上徹
徑御

無上三十二天元始上帝至尊凡前畢
引悉三十二過東向誦經

元始無量度人上品妙經
元始洞玄靈寶本章北都除殃上品五氣度
人鄭羅隱韻宣漢自然混洞元老元无上真
元始同生北帝高尊陰斗七元下統鄭城羅
山巍我九府真分龍漢祖劫北都六天青河

丹井雲門洞泉中有大神垂條龍巾攝制魔
靈善惡咸論考誦慘酷疏記罪名律禁奉承
無有不聞玄銅環宇海峙山根太玄鬼祖骨
肉為身同道變化龍伏風奔窺盜世法窮搜
業因遊種為殃承漏轉輪道有玉篇開宥靈

文無文不无無文不明無文不立無文不成
無文不度無文不生是為大梵天中之天鄭
羅北臺黑山玄京上極高上玄羅浩清眇眇
劫切若亡若存三華離便大有妙庭下極北
都三官羅鄭魔洞鬼管火山寒池左淨右霽
太光梵炁周回十方中有北都除殃之神中
有北極黑帝靈君中有九天都禁司馬大神
中有注生定死北陰天君中有北斗司命司
錄延壽益算度厄尊神迴骸起死除殃度人
今日校錄諸天臨軒

東方無極飛天捕魂神王長生大聖無量度
人
南方無極飛天攝氣神王長生大聖無量度
人
西方無極飛天殺鬼神王長生大聖無量度
人

人
北方無極飛天羅山神王長生大聖無量度
人
東北無極飛天巡虛神王長生大聖無量度
人

東南無極飛天定名神王長生大聖無量度
人

西南無極飛天都蘭神王長生大聖無量度
人

西北無極飛天監領神王長生大聖無量度
人

上方無極飛天簡奏神王長生大聖無量度
人

下方無極飛天除殃神王長生大聖無量度
人

十方至真飛天北都除殃神王長生度世無
量大神並乘蒼虬巨獸飛蓋奔輪駘駕靈龍
玄角神虎建召靈之節耀景神攝前肅九歌
齊唱後吹八音同鳴紫錦玄羽肅歌雍雍五
老啓塗羣仙翼轅億乘萬騎浮空而來傾先

迴駕除殃度生北都丞相鄴城六宮總司主
錄除殃大神執錄把籍齊到帝前隨所應度
嚴校六天普告三界無極神鄉泉曲之府北
都羅鄴三官九府十二河源上解相考億劫
種親殃延禍種疾除罪薄落滅惡根不得拘
留逼合鬼羣元始符命時刻并遷北都寒池
部衛形魂刺魔保舉度品南宮死魂受鍊仙
化成人生身受度未劫無終隨劫輪轉與天
齊年未度三塗五苦八難超凌三界道遙上
清上清之天天帝洞虛無色之境梵行

- 東方八天
- 太元都羅天 帝閻闢齊宣
 - 玄滋耀成天 帝辟乾毒王
 - 玉寶超想天 帝演剛隆
 - 論明極濟天 帝考徒架救
 - 開物順真天 帝平雷判生
 - 玉明朝始天 帝綿都勤錄
 - 元陽秋化天 帝敦實羅於
 - 道光初華天 帝篤夏義端
 - 南方八天

- 耀利宣真天 帝主軍繁來
- 四極廣品天 帝皇度振什
- 帝樞圓寂天 帝律佑符玄
- 丹雲紀命天 帝忽延輔章
- 膚增元紀天 帝齒將比耕
- 還靈端神天 帝卜直希辛
- 混明委光天 帝濱嘉熙亭
- 道威崇虛天 帝將露聰喬
- 西方八天
- 籍度高明天 帝抱符器圭
- 昌慧賢持天 帝闕緒稽時
- 維平智寂天 帝昭虎育明
- 素雲寶宗天 帝尸鑑譽景
- 晉明度地天 帝末頂昆
- 舉仙鍊功天 帝柏曾堯儲
- 素神正矩天 帝蹈鈞隱眺
- 康祝運微天 帝洪元次膏
- 北方八天
- 玄丘總神天 帝盼蓮伊房
- 變玄極真天 帝力可明俱

度靈廣時天 帝勃提維多

生真慶緒天 帝鎮咄匪盈

定光浮羅天 帝握瑤遊須

密濟獲助天 帝術宣求衡

餘梨葆生天 帝安夷社辟

九清昌陽道炁 帝夜洋雲光

三十二天三十二帝諸天隱諱諸天隱名天
中空洞自然靈章北都隱韻梵化之音北都
之尊除殃之神北都真魔除殃之靈九聖十
真變化上清無量之奧深不可詳數落神真
普度天人今日欣慶受度北都除殃歷闕諸
天請滅三途斬絕地根飛度五系超神北都
殃種注胚除蕩無餘滅屍鍊仙名列太玄真
王監舉無拘天門東斗天蒼西斗天獄北斗
帝車南斗天機中斗黃屋五斗降神牛女交
宿符下北都除殃賜福青帝延年白帝斬精
赤帝焚妖黑帝北君建都羅山峙闕鄴城臣
民萬億輸納帝庭主世罪惡除滅殃繁六天
使者巡察幽明黃帝中主護國安人萬神來
朝元始化身青天神王耀羅尸伯赤天神王

振天騫石白天神王斬鬼破山黑天神王瞋
睛激電黃天神王倒海巨力五帝神魔萬神
之宗監領北都飛行鼓從總領鬼兵魔幢鼓
節遊觀太空九旗赫奕六天齊功除殃度人
嚴攝北都神王受命普掃不祥羅天吐毒天
狼四張火丁前驅都帥仗矯毒龍萬丈神虎
八衝敢有干試拒遏上真金臂前戮巨天後
刑屠割鬼爽風火無停千千截首萬萬剪形
魔無干犯鬼無扶精三官北都明檢鬼營不
得容隱金馬驛呈普告無窮萬神咸聽三界

五帝列言上清

元晦未明空無邊極是空生氣風火為石八
阿九周非知非識忽化蒼龍身長百億纏結
五柱自龍及康眇眇德劫混沌之中上海無
色下海無淵中海風澤洞虛包天金石堅剛
漸成碧圓六氣自行五運終天天上天下無
幽無冥無形無影無極無窮溟溟太玄遼廓
無光先生元始乃化北皇鼓鐵為山鍊金為
房刻玉為樓九氣煥明乃號黑帝太玄元王
主治死魂斷注除殃萬鬼魔羣威鎮十方赤

明開圖運度自然元始安鎮數落五篇赤書
玉字八威龍文保制劫運使天長存梵氣彌
羅萬範圍張元網流演三十二天輪轉五色
周回十方旋斗歷箕回度五常三十五分總
氣上元八景冥合氣入玄玄玄中太皇上帝

高真泛景太霞北都除殃殃為罪種經劫不
亡消陰維何志詠洞章金真明郁電火激焚
流響雲營黑憤萬軍玉音攝氣禍殃速避靈
風聚煙北都列言紫虛鬱秀輔翼萬仙鎮北
一身泥丸百關斬滅邪殃靈府氣宣萬神同

會玉醴金樽千和萬合自然成真真中有神
長生帝君青華大帝飛羅九神太一司命桃
康合延執符把錄保命生根上遊上清出入
華房八冥之內細微之中下鎮人身泥丸絳
宮中理五炁混合百神十轉回靈萬氣齊僊

僊道貴生無量度人上開八門飛天法輪罪
福禁戒宿命因緣普受開度死魂生身身得
受生上聞諸天諸天之上各有生門中有空
洞誦歌之章真王靈篇辭參高真
第一北都除殃上相飛空之音

四馬揚鑣 丹隨我輪 飛雲如旗
征此魔軍 北都闡闡 紫牘紛紛
愚為業因 世植惡根 殃白根生
胡不爾俊 念道太无 委心帝前
佩八威 金闕玉文 十二大神

為兆列陳 除殃北尊 乘駕鳳軒
我行太空 金甌玉轅 俯視九州
邀如深淵 大道之妙 非賢不傳
聞此飛空音 七祖升諸天

通震大冠 絳衣龍章 惟我上笏
司命之王 上帝之策 神靈之光
來降北都 蔭魁乘剛 嚴備萬神
侍書在傍 為世之人 生死尤殃
龍祈北尊 紫霄壇場 敕命寶符

仰貯靈无 殃除福生 壽祿齊昌
永離八難衰 高升紫雲房 救世為真人
範唱流無疆
第三北都除殃北帝君歌曰
三十六萬里 北都羅鄧山 上有夜光闕

下列九府官 陰陽生死曹 殃注傳其間
 世愚不念道 情欲相追攀 出身百年中
 一往無再還 地獄由爾心 真境方寸邊
 何不謝北都 默朝紫皇班 首露華爾情
 天赦無留難 一身可得道 七祖超冥泉
 殃注永斷絕 福來如轉丸 我歎生死途
 萬劫因幽關 刻志禮神霄 雲中仰金顏
 此三界之上飛空之中真魔歌音音參洞章
 誦之百過名度南宮誦之千過真魔保迎萬
 過道備飛升太空過度三界位登仙公有聞
 靈音真魔敬形制地祇侍衛送迎拔出地
 戶五苦八難七祖昇遷永離殃纏魂度朱陵
 受鍊更生是謂無量普度無窮有秘上天文
 諸天共所崇泄慢墮地獄禍及七祖翁
 道言此二章並是諸天上帝及北都真元隱
 秘之音福佑生民消除殃禍有能起心祈向
 斷絕注傳橫害不生真靈垂蔭一身得道七
 祖昇真皆是大梵之言非世上常辭言無韻
 麗曲無華究故謂玄奧難可尋詳上天所寶
 秘於高上神霄玉清玉府道君降聖按法以

傳若有至人奮金寶質心依舊格告盟道君
 然後而付焉
 道言夫天地運度否終日月五星虧盈至聖
 神人休否未學之夫疾傷凡有此災同氣皆
 當齊心修齋六時行香十遍轉經福德立降
 消諸不祥無量之文普度無窮
 道言夫末學道淺或先品未充運應滅度身
 經太陰臨過之時同學至人為其行香誦經
 十過以度屍形如法則北都大帝玄滋天君
 監領殺鬼嚴敷幽方太一回生司命注昌使
 此形神固息合光魂神徑上南宮隨其學功
 計日而得更生輪轉不惑使得神仙
 道言夫天地運終星宿錯度日月醫昏四時
 失度陰陽不調國境有災疫毒流行此民死
 傷師友命過亦當修齋行香誦經天齋戒誦
 經功德甚重上消天災保鎮帝王下獲善善
 以度此民生死受賴其福難勝政曰無量普
 度天人
 道言凡有之經能為天地帝主兆民行是功
 德有災之日發心修齋燒香誦經十過皆諸

天記名萬神侍衛右列至人魁得為聖君金
 闕之臣諸天記人功過毫分無失天中真王
 亦保舉爾身得道者乃當洞明至言也
 諸天中大梵隱語無量音 道君撰
 元始靈書北都除殃玉篇

東方八天

暨桓乙遲 托圖延北 盧須迎皇
 連羅紀清 璞化誠廣 崇實雲承
 緬洛又忽 猷郎匪京 諸變方定
 益陀相卿 藍首伽婁 宣速墜昧
 覺邪壇廬 英玄指門 鬪斗華溢
 晞俞嶽秦

南方八天

踴寧忌童 炎臆赤功 紹元帝拱
 今紀卷冲 蕙憫康洞 幾賢特隆
 暉芒并圩 隸遵俞蒙 嬉云同宜
 逸鎮由夷 爵恭韓延 王願預飛
 便梵奇綱 素證謹儀 驛多斯靈
 變茲溟池

西方八天

色堂神禧 薦福典隨 驛洛規通

咽服梁窺 曆奔庚和 彌鏡蘊微

造星車襪 回黃星微 饒正絕仰

徒姦報鏡 越懸湯宥 曹巖在佃

卓頌堯甫 辨莽揚艾 紉資雲瑞

朔光迢泰 北方八天

畫語瓊都 壯君陰拘 勿淑令趣

碧駢謨符 洛道綿博 映陞乾秀

錠累布酉 拙傲晉醇 熾餅具扶

烈命莽斗 戀正悽極 動成款紐

轉霞綠網 凝天扁陽 吳投吉羅

薄辰侶祥

道言此諸天中大梵隱語無量之音舊文刻
書鄴城蘭臺九阿之上使兆殃種不生為道

正真逍遙無物字皆廣長一丈玄光真人昔
書其文以為正音有知其音能齋而誦之者

諸天皆遣考察真官下觀其身書其功勤上
奏諸天萬神朝禮地祇侍門大功真王保舉

北元道備魁得遊行三界升入金門此音無

所不辟無所不權無所不度無所不成天真

自然之音也故誦之致考茶下觀上帝遙唱

萬神朝禮三界侍軒羣林東首鬼精自亡琳

琅振響十方肅清河海靜默山嶽吞煙萬靈

振伏招集塵僊天無氛穢地無杖塵冥慧洞

清大量玄玄也

元始無量度人上品妙經卷之四十

靈寶無量度人上品妙經卷之四十一 字一

五行備足生靈壽域品

道言昔於大羅浮光天中妙安飛真大善極

土受元始度人五行備足生靈壽域元量上

品元始天尊當說是經周回十過以召十方

始當詣座天真大神上聖高尊妙行其人無

駭敷乘空而來紫煙散景流雲交映仙歌

合奏神風靜籟絳車彩蓋寶網瓊軒三素玉

光九華窈窕洞煥太空七日夜諸天宮殿

日觀月扉星網含次斗宿經羅璇璣玉衡泊

然停景神煙散蕩山海巖雲天無浮氣八景

明清一國地土山川林木緬平一等無復高

下土皆作紺玉無有異色丹彩青明函影轉

照眾真侍座

元始天尊玄坐空浮五色獅子之上說經一

徧諸天大聖同時稱善是時一國男女安壽

超逸五行之氣大備大足無有傷殘說經二

徧慶雲昭瑞惠靈敷空說經三徧萬寶呈祥

五行昌順說經四徧神鍊心通民無疾病說

經五行靈寶運真仙化立說經六徧玉嬰

